



WICHTEG NORIICHTEN ZUR RGTR-BUS-REFORM

1. Ëmsetzung vum endgültege Fuerplangwiessel: Mee 2022

Aus diverse Grënn huet de Mobilitéitsministère entschloss, den endgültege Fuerplangwiessel landeswäit réischt am Mee 2022 ëmzesetzen. Dëst betrëfft dann och di nei systematesch Bezeichnung vun de Buslinnen (901, 911, 933, ...). D'Schoulbus-Linne wäerte weider onverännert bleiwen.

2. Ofschafe vu verschiddenen „ale“ Linnen: Mëtt Dezember 2021

Well verschidde Strecken de Moment gläichzäiteg vun alen an neie Buslinne befuer ginn, huet de Ministère entscheet, fir di al Linnen ab Mëtt Dezember ofzeschaffen. Vun dëser Moosnam si folgend Linne betrafft:

Linn, déi am Dezember ofgeschaaft gëtt	Nei Linn*, déi di ofgeschaafte Linn ersetzt
258	595
265	590
272	437
515	Deels 942
518	
519	942
619	

* D'Numerotatioun wäert am Mee 2022 fir d'lescht geännert ginn (595 -> 902; 590 -> 901; 437 -> 933, etc)

Wann Dir vun dëser Moosnam betrafft sidd an di ofgeschaafte Linn net kënnt mat enger neier ersetzen (zäitlech oder well d'Linn komplett ewegfällt), mellt Iech w.e.g. direkt beim RGTR (rgtr@tr.etat.lu - T 247-84418) a setzt de Syndikat a Kopie vum Mail.

3. Manner Haltestelle fir d'Expresslinnen

Aktuell fieren di zukünfteg Expresslinnen (590, 595, 529) all d'Haltestellen am Rollengergronn, um Briddel, zu Koplescht an zu Dondel un. Dëst wäert sech beim endgültege Fuerplangwiessel am Mee 2022 änneren, da begrenzen se sech op 1 Haltestell um Briddel (Taverne), 1 zu Koplescht (Bréck), 1 zu Dondel (Dondel) an 3 (am Plaz vu 6) am Rollengergronn. Dëst soll hëllef, d'Fuerzäit vun den Expresslinnen ze kierzen.

D'Regionallinn 267 wäert weiderhinn all Haltestell ënnerwee bedéngen.

4. Geplangt fir Mee 2022: Fuerstreck vun der Linn 591 soll ugepasst ginn

Op Nofro vu Bierger hin, wäert d'Streck vun der Linn 591 (Réiden - Habscht - Stäreplaz) spéitstens am Mee 2022 ugepasst ginn. Si wäert ab dann net méi iwwer Gëtzen. Giewel an Ollem fieren, mee vun Habscht iwwer Käerch op de Wandhaff fir weider iwwert d'Areler Strooss op Capellen, Mamer, Stroossen op d'Stäreplaz ze fieren.

5. Upassungen no Mee 2022 nach ëmmer méiglech

De Mobilitéitsministère bleift och nom Fuerplangwiessel vum Mee 2022 oppe fir Verbesserungsvirschléi, déi am September 2022 kéinten ëmgesat ginn. Dowéinst, schéckt dem Mobilitéitsministère - am beschte mat dem Syndikat a Kopie (klima@klima.lu) - Är Doléancen eran.

Mir wënschen eis, dass dësen neie Fuerplang Ären Uspréich entgéint kënnt a mir all esou méi oft den ëffentlechen Transport notzen. Dowéinst hëllef w.e.g. mat, dass de ganze finanziellen an organisatoreschen Opwand sech lount an d'Busser och méi genotzt ginn.

6. Busgare um Pôle d'échange Stäreplaz

De Plan d'Aménagement Particulier (PAP) vum grouse Bau-Projet Stäreplaz, dee vun engem Privat-Investor ausgeet, ass bei der Stad Lëtzebuerg agereecht ginn a soll 2026 fäerdeg gestallt ginn. Dëse Projet gesäit nieft ville Wunnengen, Büroen, Geschäfte, engem Kino an enger Foodhall och eng ënnerierdesch Busgare vir, wou d'Iwwerlandbusser aus dem Westen hiren Terminus hunn. Dës Busgare soll mat alle néidege Servicer ausgestatt ginn.

7. Bus-Spuer um Briddel

Dës Bus-Spuer ass am neie Plan National de Mobilité 2035 virgesinn. De Syndikat Kanton Réiden huet reegelméisseg beim Mobilitéitsministère insistéiert, fir dës Bus-Spuer um Briddel ze prioriséieren. Mir hoffen, dass dës dringend néideg Moosnam an noer Zukunft kann ëmgesat ginn an de Bus nët méi muss am Stau stoen.



Syndicat Intercommunal
Kanton Réiden
Maison Worré
11, Grand-Rue
L-8510 Redange/Attert
T 28 334-010
info@kanton-reiden.lu
www.kanton-reiden.lu



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture, de la Pêche
et de l'Équipement rural
Fonds européen agricole pour le développement rural
l'Europe investit dans les zones rurales.